

Sarkina Bt Mat Saad @ Shaari

From: Pusat Asasi Pengurusan
Sent: Wednesday, August 1, 2018 10:50 AM
To: UUM - All Staff
Cc: Prof. Dr. Abd Razak B Yaakub; Prof. Madya Dr. Munif Zariruddin Fikri b. Nordin; Dr. Mohamed Ali bin Haniffa; Faizah Bt Hashim
Subject: EXCO PERSATUAN PELAJAR ASASI PENGURUSAN LAFAZ IKRAR PEMIMPIN PELAJAR



01 OGOS 2018 / 19 ZULKAEDAH 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

EXCO PERSATUAN PELAJAR ASASI PENGURUSAN LAFAZ IKRAR PEMIMPIN PELAJAR



PAP ONLINE : Seramai 22 orang barisan exco Persatuan Pelajar Asasi Pengurusan Sesi 2018/197 telah melafaz Ikrar Pemimpin Pelajar di hadapan Pengarah, Pusat Asasi Pengurusan, tenaga pengajar dan para pelajar baharu sesi 2018/2019 pada 24 Julai 2018 lalu.

Majlis ringkas yang diadakan di Dewan Seminar 2, SQS dimulai dengan penyerahan surat pelantikan kepada semua barisan exco baharu persatuan pelajar yang dipilih melalui 5 fasa iaitu temu duga, pelaksanaan projek, pembentangan manifesto, pengundian serta persetujuan panel Pusat Asasi Pengurusan.

Persatuan Pelajar Asasi Pengurusan yang ditubuhkan empat tahun yang lalu bertujuan untuk mengembangkan potensi dan bakat kepimpinan pelajar ke peringkat yang lebih tinggi dalam aspek penganjuran aktiviti sama ada di dalam atau di luar negara. Sejak empat tahun penubuhannya, pelbagai aktiviti berimpak tinggi berbentuk akademik, kerohanian, sukan dan kebudayaan telah berjaya dianjurkan serta mendapat liputan akhbar..

Selain itu, daya kreativiti dan inovasi dapat dicungkil dalam kalangan pelajar yang majoriti mereka adalah pelajar cemerlang dan aktif sejak di bangku sekolah menengah.

Terdahulu, Prof. Dr. Abdul Razak Yaakub, Pengarah, Pusat Asasi Pengurusan dalam ucapan aluannya mengucapkan tahniah kepada semua exco yang baharu dilantik bagi menerajui 8 exco.

Menurutnya, perlantikan exco baharu tersebut dapat memberi nafas baru terutama dalam mengadakan aktiviti berimpak tinggi yang dapat menyatukan semua pelajar dan merapatkan ukhwah sesama pelajar dan tenaga pengajar. Beliau juga berharap agar barisan exco baharu dapat meneruskan kepimpinan mereka di peringkat sarjana muda nanti.

Pada akhir ucapannya, beliau menyeru kepada semua para pelajar agar bersama-sama menyertai semua aktiviti yang dirancang oleh exco-exco sepanjang pengajian satu tahun di Pusat Asasi Pengurusan.

Presiden Persatuan Pelajar Asasi Pengurusan, Tengku Ariff Zaquan Tengku Azmi dalam ucapannya mewakili semua exco berjanji akan bersama-sama melaksanakan kewajipan dan manifesto yang mereka janjikan sebelum pilihan raya exco.

Dalam ucapannya, beliau mengibaratkan semua pelajar seperti "*jigsaw puzzle*" di mana setiap pelajar mewakili sekeping puzzle, dan untuk melengkapkan satu puzzle dan membentuk sekeping gambar yang sempurna, mereka perlu bersatu padu dan saling melengkapi antara satu sama lain.

Di samping itu, beliau menyeru semua pelajar agar menjadi lebih pro aktif dan melebarkan sayap untuk sama-sama terbang lebih tinggi dalam mencapai visi kecemerlangan di UUM.

Majlis diakhiri dengan sesi bergambar bersama pengurusan Pusat Asasi Pengurusan, tenaga pengajar serta para pelajar Program Asasi Pengurusan.

SEKIAN.

=====

DARIPADA:

**PUSAT ASASI PENGURUSAN
UNIVERSITI UTARA MALAYSIA**

TEL.: 04-928 3452/3456

FAKS: 04-928 3453

E-MEL: asasi@uum.edu.my

FACEBOOK: Pusat Asasi Pengurusan

LAMAN WEB : Pusat Asasi Pengurusan



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.